

新刊痘疹傳心錄藥性端錄序

夫藥所以療病也陰陽寓焉氣味別焉苟
陰陽之理辛甘酸淡苦鹹之味升降浮沉
涼之氣則何以能平寒熱調虛實發表和中而解
毒乎是以天有陰陽四氣是也地有陰陽五味是
也故溫熱者天之陽涼寒者天之陰辛甘淡者地
之陽酸苦鹹者地之陰輕清者本乎天重濁者本
乎地經曰辛甘發散為陽酸苦湧泄為陰淡味滲
泄為陽鹹味湧泄為陰清陽發騰理清之清者也



清陽實四肢清之濁者也濁陰歸六腑濁之濁者也濁陰走五臟濁之清者也氣之厚者為陽中之陽氣厚則發熱辛甘溫熱是也氣之薄者為陽中之陰氣薄則泄辛甘淡平涼寒是也味之厚者為陰中之陰味厚則泄酸苦鹹寒是也味之薄者為陰中之陽味薄則通酸苦鹹平是也故形不足者溫之以氣精不足者補之以味陽為氣陰為味味歸形氣歸精自是而洞察精微研其蘊奧手與心齊藥與病照其於平寒熱調虛實發表和中解毒

且迎刃而解矣何患功之有弗成者乎敢謹佩之以為治痘之端錄

諸藥目錄

人參

黃耆

甘草

當歸

白朮

茯苓

川芎

芍藥

橘紅

陳皮

蟬蛻

木通

紅花

生地

紫草

山查

荆芥

連翹

桔梗

大腹皮

牡丹皮

地骨皮

官桂

丁香

木香

乾葛

犀角

黃連

麥門冬

五味子

天花粉

訶黎勒

白芷

紫蘇

羌活

防風

薏苡仁

枳殼

麻黃

厚朴

山藥

白扁豆

糯米

陳倉米

猪苓

澤瀉

淡竹葉

白石膏

桑白皮

杏仁

枸杞子

山茱萸

檳榔

草果

酸棗仁

史君子

乾薑

大黃

牛蒡子

升麻

前胡

蒼朮

貝母

山梔子

黑附子

龍腦片

麝香

雄黃

硃砂

玢珠

牛膝

遠志

杜仲

破故紙

薄荷

天麻

神麩

麥芽

藿香

肉苳菟

人牙齒

穿山甲

知母

燈心

鷄冠血

桑蛀虫

酒漿

生薑

大棗

黑玄蔘

烏藥

車前子

金銀花

菊花

青皮

鱉甲

川常山

三棱

白朮

黃蘗

黃芩

天門冬

白苳菟

滑石

南星

石斛

香菇

瞿麥

射干

龍膽草

胡黃連

蘆薈

茵陳

香附

阿膠

半夏

砂仁

荔枝

龍眼

榧子

白菓

胡荽

栗子

藥子

柿子

枇杷

葡萄	蓮肉	藕
芡實	甘蔗	沙糖
烏梅		

新刊痘疹傳心錄卷之十四

西吳朱惠民 著

諸藥性口訣

人參益元陽而生津液黃耆補衛氣而實腠理所
 補既有差殊共劑豈可等分補中益氣當以人參
 加重為君實表護榮須讓黃耆倍用為妙甘草生
 分身稍而瀉火炙健脾胃而和中當歸通血脉而
 補陰虛君枳殼以潤燥堅白朮益脾治濕而生津
 非瀉痢水泡者勿加茯苓養智滲濕而止渴毒不

黃耆 黃芩 天門冬 南星 蜀麥 防風 羌活 獨活 白朮 蒼朮 白芍 赤芍 川芎 延胡 香附 木香 砂仁 豆蔻 肉桂 丁香 檀香 降香 蘇合 安息 乳香 沒藥 阿膠 龜板 鱉板 虎骨 狗寶 猴棗 熊膽 蛇膽 蜈蚣 蟾蜍 麝香 蘇合 安息 乳香 沒藥 阿膠 龜板 鱉板 虎骨 狗寶 猴棗 熊膽 蛇膽 蜈蚣 蟾蜍 麝香

歛而瀉者宜用川芎引清陽而達表勿缺於痘漿未滿之先芍藥歛陰氣以助陽每用於痘漿既充之後橘紅消痰而理氣陳皮益胃而和中蟬蛻疎肌竅而能蕪痘木通散鬱火以利膀胱紅花有養血活血之功生地有涼血行血之効痘若乾紅便加紫草滑肌通竅毒壅堪行惟實熱賴之為有益倘虛寒悞用以溏便食停不化宜用山查善逼瘡痛能消聚積行滯氣於補益方中解鬱結於透肌湯內荊芥通血脉散諸邪而清頭目連翹清客熱

消氣聚而治血凝桔梗利咽喉而清氣道能蕪散而善開提腹皮分清濁而利小便消痘毒而去膨脹牡丹皮清血中之毒壯熱繁紅為聖藥地骨皮去骨蒸之熱毛焦皮燥是良工官桂祛風邪而實腠理和榮衛以固肌表丁香治嘔逆而助元陽煖腰膝而除冷痛木香運氣理脾虛泄瀉方中必用乾葛療肌退胃熱渴煩湯內須加犀角黃連解蘊毒惟熱盛則前後堪行麥門 五味定心煩有渴症則始終宜入天花粉滑痰清胃有潤燥生津之

力訶黎勒開胃泄腸而有收斂降火之能白芷疎
風解利排膿而消痘毒紫蘇流氣發表邪而治
風寒羌活有運毒走表之長防風有散逐邪之
妙薏苡利膈消渴開胃進食如神枳殼平胃快膈
下氣寬中最速開膈定喘於麻黃壅遏憑之而散
散平胃溫中於厚朴腹脹用是以消磨山藥補虛
損能消腫硬匾芫清暑氣而治泄溏粘米陳倉助
漿益胃猪苓澤瀉分利陰陽淡竹葉涼心火而退
虛煩白石膏瀉胃熱以消煩渴桑皮去火邪而鑿

喘嗽杏仁潤肺氣以治痰涎枸杞子添精固髓壯
筋骨以滋陰山茱萸溫肝補腎煖腰膝而興陽楨
榔破滯氣能治後重草菓消宿食以除脹滿酸束
仁寧心益智史君子治疔殺虫乾薑溫中氣而止
嘔逆是以胃虛而寒泄者宜用則用大黃瀉腸胃
而潤燥堅是以熱壅而便秘者當加則加鼠粘清
利咽喉透肌解毒升麻升菝元陽堪散瘡癩前胡
解肌安表蒼朮進食寬中止嗽開痰於貝母清便
降火於山梔黑附子回元氣而療虛寒成扶危拯

困之功龍腦片涼心血而起黑陷有撲亂反正之
力麝香通竅於毫毛能治驚悸雄黃解毒於臟腑
兼可消痰硃砂鎮心定志而有養血活血之能玳
瑁透裡入堅而解骨髓中之毒牛膝益陰壯陽填
骨髓而除腰膝痠痛遠志助陽強志定心氣而增
智慧安神杜仲能益腎而添精破故療腰膝而痠
痛薄荷能清六陽之煩熱利關節而治風涎天麻
療風熱而除驚悸通血脈以開肌竅神麩破癥結
以逐痰麥芽化宿食而消谷藿香治嘔逆而溫中

肉果溫脾胃而止瀉人牙齒善攻腎中之邪穿山
甲能熒經絡之毒知母滋陰補腎散下焦之火邪
燈心利竅通陰治小便之淋閉冠血桑虫俱和酒
漿而熒痘生薑大棗熒表助胃以和中玄蔘治痰
熱而散無根之火烏藥消脹滿以順心育之氣車
前子專入膀胱而利水道金銀花善療癰疽誠為
要藥菊花能明目而清頭腦青皮以肝氣而消痞
結鱉甲消痛癢而治瘡母常山截溫瘧以吐痰沫
三稜散積聚而消滯氣蓬莪治瘀血以破癥瘕黃

藥瀉伏火而補腎陰不足黃芩治痰喘而瀉肺熱
有餘天門冬補肺而消痰鉗嗽白芫菟散冷而行
滯溫脾利竅除煩於滑石消痰降膈以南星石斛
補虛羸治胃中虛火香茹利小便消暑熱除煩瞿
麥通小便之陰閉射干治喉痺之痰涎龍膽草除
伏火而消目腫胡黃連療骨蒸而治疔癆消疔殺
虫無如蘆薈利濕毆疽須用首陳香附米能開鬱
以寬中阿膠珠善養肝而補血半夏止痰飲而開
結氣砂仁消宿食理氣溫脾謹按述平和之要品

以為治病增減之良規

藥性主治

人參味甘氣溫氣味俱輕升也陽也入手足太陰
滋補元陽能除虛熱若補上焦元氣而清脾胃
肺中之火升麻為引補下焦元氣而瀉少陰腎
中之邪茯苓為使君黃著能歛虛勞之盜汗臣
天麥可補不足之元神東垣曰人參黃著甘草
退虛火聖藥也大抵主補五臟不足生津液止
渴古云諸痛不可用參朮此指暴病氣實者而

言也

擇堅實白淨者佳去蘆可用

黃耆味甘氣微溫氣薄味厚可升可降陰中陽也
入手少陽手足太陰溫分肉而充皮膚肥腠理
以司開闔無汗則發有汗則斂排膿止痛長肉
生肌內托之聖藥也性畏防風得之其功愈大
蓋相畏而相使也東垣曰人參惟補元氣調中
黃耆兼補衛氣而實表也

擇直如箭幹柔軟顛綿肉白皮微黃者佳用

治瘡家蜜炙補虛損酒炙治痘不起發如手
足痘不起以桂枝煎酒浸過多用

甘草味甘氣平生寒炙溫可升可降陰中陽也入
足太陰少陰厥陰生分身稍而瀉火消毒多健
脾胃而和中養血因其性緩能解諸急故熱藥
用之緩其熱寒藥用之緩其寒中滿症恐甘能
作脹勿用下焦藥因其性緩難達少加
當歸味甘辛氣溫氣味俱輕可升可降陽也入手
少陰足太陰厥陰經頭止血而不走身和血而

中守尾破血而下流同蔘著能補血同牽黃能破血從桂附則熱從硝黃則寒能使氣血各有所歸故名當歸性潤滑下大便溏泄而痘脚塌者須忌

擇肥軟內白者去蘆酒洗晒乾行表洗片焙乾有痰薑汁漬晒乾頭痛酒蒸晒乾痘血熱用尾血虛用頭身

白朮味苦甘辛氣溫味厚氣薄可升可降陽中陰也入心脾胃三焦除濕益燥緩脾生津補虛勞

內傷健脾胃進食益氣和中止瀉利便或問白朮既燥何以能生津曰脾惡濕脾濕勝則氣不得施化津液何由生也故曰膀胱津液之府氣化出焉用白朮燥其濕則氣得周流而津液亦隨氣化而生矣又問曰白朮何能生膿曰白朮能閉氣氣閉則生膿也若痘乾枯血熱者且須忌之

擇堅白者去皮止洩土炒痂不易脫桂湯浸晒乾用調脾胃人乳潤之

茯苓味甘淡氣平屬金降也陽中陰也白者入膀胱腎肺生津益氣止瀉利溺赤者入心脾小腸瀉利專主茯苓神善補心氣安神定悸經曰茯苓能滲濕又謂生膿羨同白朮

川芎味辛氣溫氣厚味薄浮而升陽也手少陽本經之藥又入肝命門佐升麻升提氣血上行頭目下行血海通肝經血中之氣藥也散肝風開鬱行氣破脇痛除結消癥凡頭面痘不起發者用之表虛者勿入蓋辛能發散也血熱者少用

蓋辛能耗血也

芍藥味苦酸氣平微寒氣薄味厚可升可降陰中之陽也入脾肺二經白者抑肝緩中固腠理而止瀉痢除寒熱而治腹疼與白朮同用補脾與芩藜同用益氣血散不歸賴以斂之而附氣漿足不斂賴以收之而成功赤者利小便去熱消癰經云冬月減芍藥以避中寒也

赤者生用白者酒浸透切片曬乾炒用補陰酒浸日晒用如痘瘡塌四肢不起發者以桂

煎酒浸炒用

陳皮味辛苦氣溫氣薄味厚浮而升陽也導滯氣
止嘔住咳理脾胃消食和中君白朮益脾佐甘
草補肺去白者理肺氣而降痰涎也

擇陳久者佳去筋膜切晒止吐以東壁土炒
用

蟬蛻味甘氣寒凡痘疹出不快或倒陷者用之表
虛者勿加

擇完者以溫酒洗淨用去目中翳膜去翅足

用止天吊怔忡用蟬花

木通味甘淡氣平味薄陽也陽中陰也瀉小腸火
鬱不散利膀胱水閉不行

擇小內微黃者去皮小便自利勿用痘後發
癰毒者用節酒浸透晒乾用

紅花味甘苦辛氣溫陰中之陽多用則破血少用
則入心養血與當歸同功

宜酒浸晒乾入藥如痘不易出及黑陷者用
子以酒浸晒炒研用

生地黄味苦甘氣寒氣薄味厚沉而降陰也入小腸心涼心火血熱瀉脾土濕熱熟地黄微溫入心肝命門腎大補血衰倍滋腎水

擇肥大生於懷慶皮有疙瘩者佳勿犯鐵器如上述或行表酒浸晒用有痰薑汁炒

紫草味苦氣寒利九竅而通水道痘疹不易出者用之大使滑利者勿加

山查味甘酸氣溫平陰中之陽也化食積能消滯血行結氣健脾發痘過用虛內

擇色紅肉厚者蒸熟去核晒乾用

荊芥味辛苦氣溫氣味俱薄浮而升陽也上行發表能清頭目辟邪氣而通血脉破結聚而散癩瘡

擇花實成穗者去土用凡痘出發不快者用之止血酒炒黑用

連翹味苦氣平微寒氣味俱薄可升可降陽也入手少陰心手足少陽陽明瀉心經客熱降脾胃溫熱散諸經血凝氣聚治癰腫癩毒瘡疽

去梗酒浸晒乾研細用

桔梗味辛苦氣微溫味厚氣輕陽中陰也入肺膽
二經治鼻塞咽喉腫痛逐肺熱止嗽下痰排膿
養血開提榮衛同甘草為舟楫之劑

擇堅實肥白者去頭切片以米泔浸一宿晒
乾用

大腹皮味辛氣微溫下膈氣消浮腫

先以酒浸去濁仍以大豆汁洗之晒用

牡丹皮味辛苦氣寒陰中微陽入腎包絡散冷熱

血氣涼骨蒸止吐衄血熱痘瘡用為涼血解毒
也

擇肉厚者去心用

地骨皮味苦氣寒陰也入腎三焦去肌熱骨蒸治

五內邪熱同牡丹皮解除肌熱

擇肉厚者水洗去骨晒乾用

官桂味辛甘氣熱氣味俱薄體輕而上行浮而升

陽也入足太陽膀胱通榮衛而開腠理和氣血

以散風寒如痘不起發不光壯者用之葶藶藉

其力而達表四肢痘漿不透者宜此引經惟妊婦出痘不可用以桂能墮胎故也如內虛腹痛者用桂心煑表用桂枝也

丁香味辛氣溫純陽入手太陰肺足陽明胃足少陰腎溫脾胃之嘔逆治心腹之冷痛凡痘瘡泄瀉脾胃虛寒者可用寒戰咬牙足冷者與桂同

加

木香味辛苦氣溫味厚於氣降也陰中陽也和脾胃散肺中滯氣逐積年冷氣止瀉痢與補藥為

佐則補與瀉藥為佐則瀉痘家非瀉痢者勿用擇形如枯骨苦口粘牙者佳勿見火實大腸火煨用

乾葛味甘氣平寒氣味俱薄躰輕上行浮而微降陽中陰也入足陽明煑表解肌生津止渴升提胃氣善除胃熱而療渴煩也

黃連擇白淨多粉者削去皮用

犀角味苦酸鹹一云辛甘氣寒入陽明能解煩熱之溫疫善療瘡腫之癰疽鎮肝明目安心定神

凡痘血熱者用之血虛者勿加

擇角尖黑色肌麓皺光潤者佳用宜水磨

黃連味苦氣寒味厚氣薄可升可降沉也陰也陰

中微陽入手少陰心鎮肝涼血止煩渴而除驚

悸解熱毒而厚腸胃如初病氣實熱盛者可用

如久病氣虛發熱者服之反助其火也

擇肥大堅實者去鬚切以酒浸晒乾炒用瀉

陳壁土炒痘後目痛人乳浸蒸夏月生用冬

月官桂煎浸晒炒

麥門冬味甘微苦氣平微寒降也陽中微陰入手

太陰肺手少陰心治肺伏火邪補心勞傷損除

煩解渴益精強陰退虛熱客邪毆心肺燥咳

擇肥大者去心用不令人煩

五味子味酸氣溫味厚氣輕降也陽中微陰入手

太陰肺足少陰腎生津止渴益氣強陰毆煩熱

補元陽收耗散之金滋不足之水凡痘家咳嗽

者用之

擇肥大潤澤者去梗酒洗晒乾搗碎則五味

具

天花粉味苦氣寒味厚陰也潤心中枯渴降膈上熱痰排膿消腫長肉生肌

擇白者去皮搗爛以糯米泔水攪開摠取粉陰乾用

訶黎勒味苦酸氣溫苦重酸輕性急降也陰也開胃澁腸而止瀉痢敗痰住嗽以治臃脰因味酸苦而有收斂降火之能也

擇六稜黑色肉厚者火煨去核用

白芷味辛氣溫氣味俱輕升也陽也通行手足陽明又為手太陰之引使去肺經風寒療心腹血痛排膿消毒長肉生肌

紫蘇味辛甘氣微溫解肌發表開胃下食梗下諸氣子毆痰喘潤心肺止欬而降氣也

羌活味苦甘辛氣平微溫氣味俱輕浮而升陽也紫色節密者為羌活肺與膀胱引經之藥又入足少陰厥陰黃色成塊者為獨活入足少陰腎俱透關節散肌表之邪利百節之痛

防風味甘辛氣溫升也陽也主太陽經藥通行脾胃乃卒伍卑賤之職隨所引而至者也治上焦風邪瀉肺實有餘如痘作痒者蜜煮與黃耆同用如手足痘不起發者酒洗與芍桂同加痘濕不易收者用之風能勝濕也

薏苡仁味甘氣平寒無毒專療濕痺筋急拘挛消水腫利腸胃主濕除煩開胃進食

枳殼味苦酸辛氣微寒氣厚味薄浮而升微降陰中陽也主胃膈痞塞寬大腸結氣除脹滿而利

關節破癢癬以消聚積

擇陳久不蛀者以水去穢麩炒熟用

麻黃味甘辛氣溫氣味俱薄輕清而浮升也陽也入手太陰肺又手陽明榮衛之藥散風寒解疫癘泄衛實而消癰疹去榮寒而除身熱乃發汗解表之聖藥也

擇陳久者去根節沸湯泡三次晒乾剉又以蜜酒各半浸良久再晒炒焦色用凡痘出遲及黑陷倒靨者用之

厚朴味苦辛氣溫氣味俱厚體重濁而漸降陰中
陽也下氣消痰溫中益氣治腹痛消脹滿凡痘
家腹脹者用之

擇肉厚紫色者去皮以生薑自然汁塗慢火
上炙令透剉用

山藥味甘氣溫平入手太陰肺足太陰脾主諸虛
百損五勞七傷長肌肉強筋骨除煩熱消腫硬
益氣調中之聖藥也

白蘆菑味甘氣微溫主下氣和中治霍亂吐逆消
暑止瀉之藥也

糯米味甘氣溫主動正氣而作漿恋膈難化充食
不宜

陳倉米味甘醜酸氣溫調和脾胃止洩瀉解煩渴
取多年倉中香黃者炒熟煮湯能潤喉燥

猪苓味甘苦淡氣平氣味俱薄升而微降陽也入
足太陽少陰通淋消腫滿除濕利水道大能燥
亡津液倘無濕症勿輕用之

澤瀉味甘醜氣寒氣味俱厚沉而降陰也入足經

太陽少陽除濕止渴聖藥通淋利水僊丹

淡竹葉味甘淡氣平寒陰中微陽專涼心經除煩
止渴一種草類專利小便竹茹退熱善除嘔逆
竹筴發氣能托痘瘡

白石膏味辛甘氣微寒氣味俱薄体重而沉降也
陰中陽也入手太陰肺足陽明胃手少陽三焦
生津止渴瀉胃火解肌表

擇白者火煨研末用

桑根白皮味甘辛氣寒可升可降陽中陰也入手

大陰瀉肺中火邪除喘嗽唾血解渴消痰

擇白者去外皮剉以蜜水浸透晒乾如此三
次炒黃色用

杏仁味甘苦氣溫可升可降陰中陽也入手太陰

肺除胃中氣逆喘促止咳嗽逐痰潤燥

擇去双仁去皮尖炒黃色研用如泥

枸杞子味苦甘氣微寒明目安神補勞傷消渴添
精固髓健筋骨滋陰

山茱萸味酸澁氣平微溫無毒入足厥陰肝足少

陰腎補肝腎而興陽道益精髓以煖腰膝
栝榔味辛苦氣溫氣薄味厚沉而降陰中陽也逐
水穀能治痰癖破滯氣以除後重

草果味辛氣溫升也陽也消宿食除脹滿去邪氣
卻冷痛惟專消導大耗元氣老弱虛羸者少用
酸枣仁味酸氣平無毒益肝而寧心志補內以歛
虛汗毆煩止渴五臟能安

取淨仁如生用治多眠胆實有熱炒熟用治
不眠胆虛有寒也

史君子味甘氣溫除疔殺虫止瀉禁痢用火微煨
去殼用

乾薑味辛氣大熱氣味俱厚半沉半浮可升可降
陽中陰也止吐瀉理中除臟腑沉寒

溫水洗浸火炙令胖用

大黃味苦氣大寒氣味俱厚沉而降陰也入手足
陽明蕩滌腸胃通利水穀瀉實熱利燥結凡瘧
家大便不通腹脹煩躁者用之

擇堅實錦紋者酒浸蒸晒乾用

陰腎補肝腎而興陽道益精髓以煖腰膝
栝榔味辛苦氣溫氣薄味厚沉而降陰中陽也逐
水穀能治痰癖破滯氣以除後重

草果味辛氣溫升也陽也消宿食除脹滿去邪氣
卻冷痛惟專消導大耗元氣老弱虛羸者少用
酸棗仁味酸氣平無毒益肝而寧心志補內以歛
虛汗毆煩止渴五臟能安

取淨仁如生用治多眠胆實有熱炒熟用治
不眠胆虛有寒也

史君子味甘氣溫除疝殺虫止瀉禁痢用火微煨
去殼用

乾薑味辛氣大熱氣味俱厚半沉半浮可升可降
陽中陰也止吐瀉理中除臟腑沉寒

溫水洗浸火炙令胖用
大黃味苦氣大寒氣味俱厚沉而降陰也入手足

陽明蕩滌腸胃通利水穀瀉實熱利燥結凡瘧
家大便不通腹脹煩躁者用之

擇堅實錦紋者酒浸蒸晒乾用

鼠粘子味辛苦氣平退風熱痰壅咽喉不利透毒
解毒痘家之聖藥也

以酒淘去沙土去浮者不用晒乾瓦器炒研
用之

升麻味苦甘氣平微寒氣味俱薄浮而升陽也足
太陰賜明引經藥凡補脾胃必此引之毆皮膚
之風熱散肌肉之客邪引葱白散手陽明之風
邪引石膏止足陽明之齧痛若元氣不足陽氣
下陷者用此升提上行如痘出遲起發不易者

酒洗用之

前胡味苦氣平微寒氣味俱輕升也陽也治結氣
而消癖滿毆痰實以療風寒

蒼朮味苦甘辛氣溫味厚氣薄可升可降陰中陽
也入足陽明大陰寬中進食健胃安脾消痰結
燥脾濕如痘濕痒不易斂者用之

擇堅實中白者去皮剉以粘米泔浸透晒乾
取東壁土炒黃色用

貝母味辛苦氣平微寒入手太陰肺主咳嗽消痰

散心中逆氣

山梔子味苦氣寒味厚氣浮微降陰中陽也入手太陰而瀉肺火解熱鬱而行結氣其性屈曲下行大能降火澀小便中泄去有云利小便者實非利小便乃清肺也肺氣清而化則小便從此氣化而出經曰膀胱為津液之府氣化出焉此之謂也

擇七稜鮮紅者去內熱用仁酒浸晒乾炒焦色如去肌表熱和皮用亦酒制如解鬱火薑汁制如止血炒黑

黑附子味辛甘氣大熱浮也陽中之陽也除四肢厥逆去五臟沉寒補陽氣不足能引導諸經凡助甘緩萎著成功健潤滯地黃建効痘內虛泄瀉四肢厥冷寒戰咬牙痘灰白瘁塌者用之

擇頂平正圓一兩一枚者先以童便浸過紙包慢火中炮令極熟去皮臍切片再用防風甘草煎湯乘熱浸過晒乾用

龍腦片即冰片味辛苦氣溫微寒

痘家心煩狂躁妄語者取為細末猪心血丸如
雞豆大每用一九紫草茸湯送下

麝香味辛氣溫鎮心安神而除驚悸通關利竅以
善催生故痘家用之於人牙獨聖散內

雄黃味苦辛甘氣平寒治瘡瘍辟邪鬼
硃砂味甘氣微寒主鎮養心神通調血脉

珍珠氣寒鎮心安神治小兒驚熱風癩
牛膝味苦酸氣平益陰壯陽而除腰膝痠痛小便

短少以治手足寒痺

擇肥大者酒洗用

遠志味苦氣溫益精氣而壯元陽安心神而增智

慧去骨取皮甘草湯浸一宿晒乾用

杜仲味辛甘氣平溫氣味俱薄降也陽也補中強

志益腎添精腰痛者神功足疼者立效

取厚潤者去皮剉薑汁燭透炒去絲

破故紙味苦辛氣大溫主氣血勞傷治腰膝痠痛

固精髓興陽道

用鹽酒浸一宿蒸過晒乾

薄苛味辛苦氣溫氣味俱薄浮而升陽也入手大
陰厥陰主下氣而消脹滿發汗而通關節清六
陽會首毆諸熱風痰治小兒風涎壯熱能引藥
入於榮衛

天麻味辛苦氣平治小兒風疳驚悸療大人風熱
頭眩毆濕痺拘挛利腰膝強筋

神麩味甘氣平入足陽明胃經下氣調中消食止
瀉破癥結逐痰積

大麥蘗味鹹溫化食消痰虛者少用防消腎水

藿香味苦甘氣微溫味薄氣厚可升可降陽也入
手足太陰助脾開胃快氣溫中止嘔吐理霍亂

揀去枝梗用

肉荳蔻味苦辛氣溫入手陽明大腸理脾胃虛寒

止內虛瀉痢

麵包煨熟用

人牙齒屬腎能發腎毒托痘

求小兒落者燒存性為末加射香少許用

穿山甲氣微寒能穿經絡于榮分凡痘瘡伏陷借

此引導諸藥若悞用之反耗氣血也

用酒浸以陳壁土炒令黃色用

知母味苦辛氣寒氣味俱厚沉而降陰也入足少陰陽明手大陰肺經療骨蒸而除痰咳消浮腫善解渴煩補腎水瀉無根火邪之聖藥也

肉苁蓉入腎鹽炒入肺酒炒

燈心味甘氣寒主通陰竅利小便

雞冠血至清至高用之發痘取發陽之意也

桑蛀虫用之發痘亦取發陽之始也

酒漿味甘辛氣溫養脾益肝榮肌膚通血脉厚腸胃行藥勢能走諸經凡治痘用解毒藥以酒浸洗炒者可以通行一身之表也

生薑味辛氣微溫氣味俱輕陽也佐大棗益氣厚腸益脾胃豁痰利竅溫經而散寒邪驅熱而除嘔吐

大棗味甘氣平溫氣厚陽也養脾胃益氣潤心肺生津助諸經補五臟

玄蔘味苦鹹氣微寒入足經少陰明日補腎益精

強陰散無根浮遊之火療瘟瘧寒熱往來
烏藥味辛氣溫氣厚於味陽也入足少陰陽明治
諸冷氣消食積作脹攻婦人滯凝血氣去小兒
積聚蛔虫

車前子味甘鹹氣寒入足太陽厥陰通淋澁利水
道

忍冬花即金銀花味甘氣溫善治癰疽未成則散
甚多拔毒之功已成則潰大有回生之力
菊花味甘苦氣平寒可升可降陰中陽也清頭腦

而養目血去翳膜而治熱煩

青皮味苦辛氣寒氣味俱厚沉而降陰也入手少
陽三焦足厥陰肝散滯氣而疏肝削堅癖而消
積凡痘家用之瀉肝而不作痒也

擇陳久者水浸去穢剉曬乾用

鱉甲味鹹氣平散癖痞除勞瘦骨蒸治瘟瘧驅往
來寒熱

擇九肋生剔者以醋漬一週時文火炙脆入
石柏杵細用若治勞熱童便浸

常山味苦辛氣寒截瘟瘧吐痰沫

擇如雞骨者以酒漿浸晒乾炒用以折其悍性也

三稜味苦辛氣平消癥瘕除積聚

麵包火炮剉醋炒用

蓬朮味苦辛氣溫破瘀血而消積止心痛以通經

依前炮制

黃蘗味苦微辛氣寒氣味俱厚沉而降陰也足太陽少陰經藥降相火而瀉膀胱除骨蒸以滋陰

腎

補虛蜜制降火酒制

黃芩味苦氣平大寒味薄氣厚可升可降陰也入手太陰瀉肺火消痰利氣酒炒上行子芩入手陽明瀉大腸火養陰退陽生用最妙得白朮砂仁安胎之聖藥也

天門冬味苦甘氣平大寒氣薄味厚沉也陰也入手太陰肺足少陰腎補虛勞強骨髓能瀉肺火消痰住嗽保肺氣吐衄妄行虛熱人正宜虛寒

人勿服

白芫菟味辛氣大溫味薄氣厚陽也入手太陰肺散冷滯益元陽溫脾卻痛消積寬膨滑石味甘氣寒性沉重降也陰也入足太陽膀胱利九竅而行六腑解煩渴以實大腸補脾泄降妄火

擇白者研細水飛過用如痘潰爛用此敷之南星味苦辛氣平可升可降陰中陽也乃肺經本藥利胃膈下氣而化稠痰也

用生薑湯炮過七次剉晒用

石斛味甘氣平補虛羸而長肌肉壯筋骨而健脚膝皮外邪熱堪逐胃中虛熱能除

用酒浸蒸過用

香茹味辛氣微溫治傷暑而除煩解熱利小便而調胃溫中如夏月出痘不可缺者清暑故也

瞿麥味苦辛氣寒降也陽中微陰利小便決癰腫去枝梗取實用

射干味苦氣平微溫陰中陽也治太陰之積痰驅

喉痺之咽痛

切片以甘草水浸晒乾用

龍膽草味苦澁氣大寒氣味俱厚沉而降陰也益
肝膽而治胃中伏熱卻驚癇能除目內翳膜去
蘆酒洗浸晒乾用

胡黃連味苦氣平寒療勞熱骨蒸治久痢成疳補
肝胆以刮目疼理腰腎而斂陰汗

蘆薈味苦氣寒殺疳虫鎮心明目理小兒驚搐顛
癇

苜陳味苦辛氣平微寒陰中微陽入足太陽專治
痘症解傷寒能驅熱煩如夏月出痘熱甚而小
便不利者用之

香附米味苦甘氣微寒氣厚于味陽中陰也開鬱
而快氣逐瘀血以調經

用童便浸透炒如理氣疼醋炒用

阿膠味甘辛氣平微溫味薄氣厚升也陽也入手
太陰足厥陰少陰治肺虛久欬止吐衄崩帶益
氣養血之聖藥也

劉薄片蛤粉和炒成珠入劑不煎研末調化
半夏味辛苦氣平生寒熟溫沉而降陰中陽也入
足陽明胃足太陰脾足少陽胆化痰止吐而有
燥濕益脾之妙

用沸湯泡過七次仍加薑制

砂仁氣溫味辛苦溫脾胃下氣消宿食止痛

用宜炒碾為末

果部

荔枝味甘微酸性溫升也陽也主散無形質滯氣

止渴毆寒○殼燒能解穢氣

龍眼味甘氣平益脾胃養肌肉美顏色卻怔忡

榧子味甘屬土與金健筋骨調榮衛多啖引火入

肺大腸受損

白果味甘苦主動風作痰治白濁小兒食之多糞

驚搐

胡桃味甘氣溫主補下元多食動風生痰助腎火

栗子味鹹氣溫熟食滯氣生食糞氣晒乾食下氣

主健腰足厚腸胃

梨子味甘微酸氣寒止嗽消痰去客熱毆煩渴
柿子味甘氣寒潤心肺止嗽消痰解渴○乾柿氣
平厚腸胃益中

枇杷味甘酸潤五內多食發熱發痰

葡萄味甘酸氣平主逐水氣利小便善發痘疹

蓮肉味甘澁氣平寒生食動氣蒸食養神主益諸

經血氣安君相火邪禁精洩清心去腰痛止痢

○石蓮子惟清心

藕味甘氣寒治瘀血止吐衄者熟實下焦開胃腕

鷄頭實味甘氣平補中氣益精土腰膝疼痛

甘蔗味甘氣平助脾氣和中利二便止渴

沙糖殺疳虫潤肺涼心除寒熱

烏梅味酸氣平收斂肺氣解渴除煩禁痢止瀉

橄欖味酸甘性溫生津開胃解酒及魚毒○核煨

灰治口疳

榛子味甘性平益氣力寬大腸亦充腸臟

松子味甘性溫平疎風潤臟益志和中

梧桐子味甘性平益脾胃動風氣

石榴味甘酸性平生生津解渴多食損肺
櫻桃味甘微酸性溫能益脾胃多食令人作熱○

核煎湯發痘

楊梅味酸甘性溫少食生津解酒多食熱遺腸胃

亦發宿熱

李子味甘微酸苦性溫多食遺熱于腸胃令人瀉

痢能發痼疾

桃子味甘微酸苦性溫熟食充饑過食令人腸滿

作瀉

杏子味甘酸性溫多食傷筋骨損脾胃

林擒紅即花味甘微酸澁性溫止瀉痢多食發熱滯

赤氣發痰生瘡

荸薺味甘性平益脾胃消宿食化積滯

茨菰味苦甘性微寒生用清熱解渴熟用和中益

氣活血易產有冷氣者勿用

菱角味甘性平益腸臟亦可充饑多食令人脹滿

無花果味甘性平益脾胃止洩痢

芋蓀味辛甘性微寒有小毒益腸胃亦可充飢過

食令人氣滯脹悶有冷氣者勿用

黃芩味甘性溫平益腸胃充飲食去濕痺攣痛解

附子毒利氣

菖蒲味甘性微寒解砒毒醒酒清胃熱涼脾○粉

敷丹毒充五臟涼腸胃○茅味甘性平寒清腸

胃之熱

赤苳味甘性平利小水消腫滿益脾氣

蚕苳味甘性平益胃充飢多食滯氣

虹苳味甘性平和中

刀苳味甘苦性微寒多食損脾

荳腐味甘平性平利益腸胃充飢實腸瀉痢者少

用

芝蔴味甘性平潤腸臟澤肌膚活血脈通乳汁○

油潤腸解毒

蘿蔔味辛甘性溫平下氣除膨利痰定喘消麩食

冬瓜味甘性微寒養脾胃除煩渴利大小便治小

腹脹久病滑泄者少用

胡荽味辛性溫溫中消谷能通竅治痘疹不易出

葱味辛性溫發寒邪之汗可止頭痛能通上下之陽開竅利氣

蒜味辛性溫有小毒下氣消食敷癰腫殺虫辟穢惡生痰久食損目

韭味辛性溫理氣和中○汁止吐衄消瘀血治淋利水瀆湯可洗脫肛

甜瓜味甘性微寒少用止渴利水多食致膨作瀉菜瓜同

西瓜味甘性微寒解暑渴煩悶利小便

王瓜味甘平性微寒解煩渴滑大腸多食損脾令人瀉痢小兒多食生虫積

絲瓜味甘性寒平解痘毒癰瘡利痰降火多食滑腸令人泄瀉

瓠子味甘苦性微寒有小毒利水道消浮腫清熱茄子味甘平性寒多食動氣能發痼疾胃寒人食之作嘔瀉

莧菜味甘性微寒利大小便清熱益氣久食明目馬齒莧味甘微酸性微寒止瀉痢治腸痛敷腫毒

久食消翳明目燒灰存性敷口疳瘡

芥菜味辛性溫開胃利氣散瘡瘍子理氣開脾

白菜味甘平性平益脾胃充腸臟

油菜味甘平性平滑腸胃利大小便

菘菜味甘性平利腸胃清煩熱解魚醒

茭白味甘性微寒清臟腑熱利小便糟用甚美

紫菜味甘性微寒消癭瘤結氣解煩熱酒毒多食


令人腹痛

木耳味甘平性平寒清血熱崩漏帶下去腸中積

熱痔瘡

石花味甘性平寒清胸膈火利腸胃熱

蘑菰味甘微苦性微寒清腸胃熱益脾和中



痘疹傳心錄卷之十五

古今信効諸方

升麻葛根湯

治痘初發熱疑似之間

葛根

升麻

甘草

芍藥

右剉加生薑三片水煎溫服

或曰痘瘡一見紅點便忌升麻葛根湯此專為表虛自汗者而言之若兒外感風寒壅閉腠理但恐葛根力小而不能勝之安可棄之不用耶但用之貴於合宜中病即止

參蘇飲 治風寒壯熱痰嗽身痛頭疼

陳皮 半夏 甘草 茯苓

紫蘇 葛根 前胡 桔梗

如前煎服

芎蘇散 治同前

川芎 紫蘇 葛根 桔梗

柴胡 茯苓 甘草 半夏

陳皮 枳殼

如前煎服

藿香正氣散 治四時感冒頭疼壯熱或吐瀉

白朮 茯苓 陳皮 甘草

半夏 桔梗 藿香 紫蘇

白芷 厚朴 大腹皮

右剉加生薑三片水煎溫服

十神湯 治感冒風熱頭疼身痛無汗

川芎 甘草 麻黃 乾葛

升麻 紫蘇 白芷 陳皮

枳殼 赤芍藥

如前煎服

大柴胡湯

治傷寒壯熱大便難

柴胡

黃芩

芍藥

半夏

大黃

枳實

如前煎服

小柴胡湯

治寒熱往來邪在少陽經

柴胡

黃芩

人參

甘草

半夏

如前煎服

大承氣湯

治胃實噤言五六日不便腹滿煩渴

舌乾口燥

大黃

厚朴

枳實

芒硝

如前煎服

小承氣湯

腹脹便秘煩悶

大黃

厚朴

枳實

如前煎服

桂枝葛根湯

治風寒寒熱往來

葛根

桂枝

升麻

防風

甘州

赤芍藥

如前煎服

百解散 治感冒風寒無汗

乾葛

升麻

赤芍藥

黃芩

麻黃

薄桂

甘州

如前煎服

竹葉石膏湯

治汗下後心煩發熱津液乾涸

麥門冬

人蔘

甘州

石膏

半夏

竹葉

加粳米百粒如前煎服

羌活散鬱湯

治毒盛壅遏喘脹

羌活

防風

荆芥

白芷

桔梗

牛旁

連翹

甘草

紫草

川芎

加生薑三片如前煎服

升麻疏解散

治痘初出不易透發

升麻

川芎

甘草

桔梗

木通

山查

蟬蛻

陳皮

毒盛加牛旁子毒壅加穿山甲紅花表實不易透加葛根如前煎服

羌活湯 治外客風寒身肢骨節痛

羌活 防風 柴胡 山甲 白芷

甘草 蟬蛻 桔梗 毒不透加麻升

牛旁 穿山甲 如前煎服

九味羌活湯 治傷風惡寒頭疼骨痛

羌活 防風 川芎 白芷

細辛 蒼朮 甘草 生地

黃蘗 水煎服

溫膽湯 治肝下後虛煩不卧

竹茹 枳實 半夏 茯苓

甘草 陳皮 如前煎服

紅綿散 治熱盛風寒驚搐

全蝎 天麻 麻黃 荊芥

甘草 薄荷 紫草 蟬蛻 水煎服

紫蘇飲 氣虛毒不易出

人參 紫蘇 川芎 桔梗

甘草 陳皮 升麻 水煎服

補中益氣湯 治氣虛痘瘡起脹時用

人參錢一

黃耆半錢

甘草分五

白朮分七

當歸分六

陳皮分五

升麻分四

柴胡分二

右剉加生薑三片水煎服

按補中益氣湯即保元湯加白朮佐參耆益氣健脾當歸以和血脉陳皮理滯氣又能助陽氣上升升麻柴胡引黃耆甘草甘溫之氣上升而補衛氣散解而實表也

保元湯 治氣虛痘症

黃耆錢二

人參錢一

甘草分五

官桂分三

右剉片加生薑三片糯米撮水煎入人乳溫服

按人參黃耆甘草性味甘溫專補中氣而能

瀉火故虛火非此不去也而又加官桂制其

血血在內引而出之血在外引而入之參芪

非桂之逐血引道則不能獨樹其功也又加

生薑以助參耆之力

大保元湯 助漿

人參

黃耆

甘草

官桂

糯米

防風

白芷

川芎

當歸

白木

生薑

水煎服

歸茸散 治血虛不能成漿

鹿茸一兩以好酒瓦瓶煮令皮脫取出將酒
瀝過畱用其茸再煮皮爛為度以布瀝揉爛
皮化在酒內其毛去之再將骨炙為末用當
歸五錢煎湯調酒膠及末漸服

河車散 益陰助漿

用乾胎衣一具切片用白粘米一合同炒黃
色研為末用保元湯送下一錢酒漿亦可

又方

用河車水以粘米二合浸一宿晒乾再浸再晒
水盡為度微炒為末每用一錢保元湯送下

小異功散 調理脾胃

人蔘

白朮

茯苓

甘草

陳皮

如前煎服

異功散 治表虛痺塌內虛泄瀉寒戰咬牙頭溫足冷

木香

官桂

當歸

人蔘

茯苓

陳皮

厚朴

丁香

肉苳蔻

白朮

附子

半夏

如前煎服

木香散 治痘灰白表虛內虛泄瀉腹脹

木香

大腹皮

人蔘

桂心

青皮

前胡

訶子

丁香

甘草

赤茯苓

右剉加煨薑三片束一枚水煎溫服

七味白朮散

調和脾胃

人蔘

白朮

藿香

木香

甘草

茯苓

葛根

右剉加生薑二片水

溫服

六君子湯

調理脾胃

四君子湯加半夏陳皮

參苓白朮散

治痘後脾胃虛弱

人蔘

白朮

茯苓

甘草

蓮肉

薏苡仁

桔梗

白扁豆

砂仁

山藥

各等分為末清米湯調下

四物湯 養血

當歸

川芎

芍藥

地黃

右剉水煎溫服

四君子湯

益氣調脾

人蔘

白朮

茯苓

甘草

如前煎服

十全大補湯

補養氣血和榮衛

四君四物加黃耆官桂

生脉散

補元氣生津止渴

人蔘

五味子

麥門冬

水煎服

理中湯

治內虛寒泄瀉

人蔘

甘草

白朮

乾薑

右剉水煎服手足厥冷瀉甚者加附子

益黃湯

治胃冷嘔吐而瀉

陳皮

青皮

丁香

木香

訶子肉

砂仁

水煎溫服

歸脾湯 治怔忡勞傷心脾

人蔘

白朮

茯苓

黃耆

木香

甘草

酸枣仁

龍眼肉

右劉加生薑三片大棗一枚水煎温服

甘桔湯 治咽喉腫痛

甘草

桔梗

牛旁子

水煎服

涼血解毒湯 治血熱毒盛

當歸

生地黃

赤芍藥

紅花

連翹

木通

桔梗

牛旁子

牡丹皮

水煎温服

犀角地黃湯 涼血解毒

犀角

磨水

牡丹皮

赤芍藥

生地黃

水煎服

黃連解毒湯 清火解毒

黃連

黃芩

山梔仁

牛旁子

水煎服

四順清凉飲 治血燥便秘

當歸

芍藥

大黃

甘草

水煎服

真赤散 治小便赤口煩渴

生地黄 木通 甘草 赤茯苓

黄芩

右剉加淡竹葉七片燈心水煎温服

八正車前散 治小便不通

滑石 瞿麥 大黃 木通

萹蓄 車前子 山梔仁 甘草

水煎服

奪命五毒丹 治痘黑陷倒靨

牛黃分二 硃砂錢一 雄黃分三 冰片分二

蟾蜍少許

右為末用小猪尾血為丸如麻子大每用一丸
薄苜湯下即時紅活

奪命丹 治前同

麻黃炒 升麻 紅花子 牛旁子

連翹 蟬蛻 紫草 人中黃

右為末酒蜜丸如圓眼大硃砂為衣薄苜湯下

大造保童丸 治同前

人犬猫三胎骨炙存性為末加射香少許

疔瘡傳心錄 卷之十五
右劉加薑三片水煎服

如金散 治痘陷伏

紫背荷葉霜後搭水者 白薑蚕各等分

右為末每服五分芫荇沖酒漿酒服

助神散 治同前

人牙三箇煨存性 蜈蚣頭三箇煨存性

右為末用水邊芦根取汁粟根煎湯加酒漿和

勻一小酒盞調前末服

退火回生丹 治痘血熱乾枯

滑石一錢 辰砂一錢 冰片三厘

右為末每用一分冷水調服

無比散 治痘焦紫

牛黃 片腦各五分 射香一錢 硃砂三錢

膩粉五錢

右為末每歲用一分井水調下或加小猪尾血

三五點尤妙

四聖散 治痘疔

珍珠一分 頭髮灰一分 冰片五厘 豌豆四十九粒燒存

性為末用油臘脂調成膏先以銀針挑破瘡口將藥填入疔內即變紅活

解毒湯 治五六月間痘疔

當歸尾 生地黃 紫草 紫花地丁

番白草 蟬蛻 牛旁子 水煎服

辰砂益元散 治裡熱小便黃

滑石 水飛過六錢 甘草末 錢一 硃砂 飛過錢一

和勻凉水調下一二匙

寧神湯 養血安神

人蔘 當歸 生地黃 麥門冬 各錢一

山梔仁 黃連 甘草 各錢五 石菖蒲 分三

辰砂末 分二

右剉加燈心十根水煎調辰砂末食後溫服

安神丸

黃連 當歸 麥門冬 茯神

甘草 各錢五 硃砂 兩一 龍腦 分二

右為末和猪心血搗勻丸如黍米大每用十九

燈心湯送下

肉苳菟丸 治洞瀉

木香 砂仁 白龍骨 訶子肉 各五錢

赤石脂 白枯礬 各七錢 肉苳菟 五錢

右為末 麵糊丸 如黍米大一歲服三五丸米

飲湯送下

硃砂安神丸

黃連 二錢 硃砂 二錢 當歸身 三錢 茯神 二錢

甘草 一錢 遠志 二錢 石菖蒲 二錢 酸棗仁 一錢

右為末 猪心血丸 如芡實大 硃砂為衣 燈心湯下

枳殼湯 治誤服葶藶喘急腹脹

枳殼 陳皮 厚朴 甘草

大腹皮

右剉水煎溫服

寬中湯 治誤服溫燥陽盛陰虛津竭便結

枳殼 當歸 赤茯苓 生地黃

甘草 赤芍藥 水煎服

滋陰潤燥湯 治誤服辛熱之劑致咽喉腫痛口

舌生瘡目赤疼腫

當歸 生地黄 赤芍藥 黃連

連翹 山梔仁 荆芥 薄荷 水煎服

木通 牛旁子 天花粉 水煎服

麥門冬湯 治便實燥渴津液不足血枯不榮

麥門冬 生地黄 當歸 芍藥 水煎服

水煎服

安虫湯

黃連 芍藥 陳皮 連翹

川練子 牛旁子 煨薑 水煎服

人蔘解毒湯 六七日痘清火解毒

人蔘 黃連 黃芩 山梔仁

柴胡 牛旁子 水煎服

調脾內托散 益氣調脾

人蔘 黃耆 甘草 陳皮

白朮 藿香 陳倉米 煨薑

大棗 水煎服

清解散

甘草 桔梗 連翹 牛旁子

橘紅

山查

前胡

枳殼

天花粉

生薑

水煎服

加味白虎湯

人蔘

知母

甘草

白石膏

大棗

麥門冬

天花粉

粘米

生薑

水煎服

清金化毒湯

山梔仁

陳皮

甘草

茯苓

芍藥

薏苡仁

知母

連翹

牛旁子

燈心

水煎服

外消散

治陰囊腫亮

大黃

牡蠣各五錢

朴硝二錢

右為末取田螺洗淨以水活過一夜取水調前

末塗腫處即愈

調脾養榮湯

人蔘

山藥

茯苓

甘草

當歸

芍藥

麥門冬

黃連

酸棗仁

右劉加蓮肉圓眼肉水煎服

芍藥解毒湯

當歸 芍藥 木香 黃連

牛旁子 連翹 荆芥 山查

水煎服

滅癩散

蜜陀僧 滑石 各二兩 白芷 兩

右為末温則乾摻乾則以蜜調傳

綿蠻散 治痘疔蝕瘡

綿蠻燒灰存性三錢枯礬一兩蜜陀僧錢五白

芷炒黑

右為末温則乾摻乾則蜜調敷

敗草散

多年墻上爛茅草擇淨為末摻之此受天地

陰陽之氣善解痘毒

松花散

松花 半升 蕎麥粉 半升 和勻凡痘破者以此

敷之潰爛者以此襯卧尤佳

天水散

滑石 五兩 甘草 一兩 黃栢 一兩

右為末敷痘破處

茵陳膏

用茵陳為末搗束膏和丸如鷄子大晒乾裂
火燒烟薰之

又方以芫荽子微燒之又以荔枝殼燒之亦妙

當歸丸 清熱利便

當歸 半兩 黃連 一錢半 大黃 二錢半 甘草 一錢

先以當歸熬成膏以下三味研為細末以膏和

為丸如胡椒大三歲以下兒十九七八歲兒

二十九食前清米湯送下以利為度

仙方活命飲 治癰腫未成則散已成則潰

金銀花 陳皮 皂刺 乳香

沒藥 穿山甲 白芷 防風

當歸 貝母 天花粉 甘草

右剉水煎服

托裡化毒湯 治痘癰成膿

人蔘

黃耆

甘草

當歸

白朮

茯苓

陳皮

連翹

白芷

牛蒡子

金銀花

下部加牛膝木瓜米仁獨活未潰加穿山甲

六味活血散

當歸

川芎

生地黃

赤芍藥

紅花

蘇木

水煎服

千金托裡散

人蔘

黃耆

甘草

當歸

芍藥

牛膝

連翹

獨活

白芷

米仁

金銀花

水煎服

十宣托裡散

人蔘

黃耆

當歸

川芎

芍藥

茯苓

白芷

白朮

甘草

連翹

皂刺

金銀花

水煎服

人蔘養榮湯

治痘癘已潰惡寒發熱肉削倦怠

因氣血不足不能收斂

人蔘 白朮 麥門冬 當歸

甘草 升麻 陳皮 五味子

芍藥 黃耆 遠志 桂心

水煎服

鉄箍散

廣膠四兩 大黃 南星 半夏

白歛各五錢 乳香 沒藥各一錢 黃丹四錢

右為末用好醋半碗煎化膠調前藥末為丸如彈子大須番藥末拌收用時以醋煎滾化開

以新筆塗之中留一孔

又方 芙蓉葉 白芨 牛旁子 大黃

雄黃 各等分為末鷄子清調塗

玉龍膏

草烏三兩煨 火薑三兩煨 白芷一兩 官桂一兩

赤芍藥一兩

右為末熱好酒調塗不留孔日易二次

圍藥方

川烏 天花粉 白歛 青木香

黃栢

南星

各一兩

大黃

三兩

菴荳粉

二兩

右為末鷄子清調塗

烏龍散

秋芙蓉葉

文蛤

陳年小粉各等分

右為末加乳香沒藥又射香少許鷄子清調圍

文蛤散

治時毒

南星

一兩

大黃

五錢

朴硝

二錢半

五倍子

二錢半

右為末醋調塗患處

拔毒膏

馬齒莧

燒存性

猪脂

石蜜

熬為膏塗腫處

退毒散

鶴鳥嘴

燒存性

水龍骨

煨

等分為末酒調塗立退如潰亦消

生肌散

象皮

二錢

白蠟

龍骨

煨

血竭

土螿虫

白石脂

煨各二錢

乳香

一錢

沒藥

一錢

冰片

少許

輕粉

二錢

赤石脂

煨四錢

右為末摻之

長肉膏

防風

荆芥

白芷

生地黄

當歸各一兩

右剉以香油

一斤

煎至白芷枯色瀝去查再以

文武火熬成膏漸下黃白蠟各一兩

松香

二兩

滴水軟硬得中去火慢下沒藥赤石脂蜜佗

僧血竭各二錢

以器盛之蓋地上愈久愈妙

竹筒吸膿方

取竹筒一截去青以白芷白芨蒺藜烏柏樹皮

龍骨各等分入銚內以水煮二三十沸取竹筒

拭乾乘熱套瘡口吸出膿水盡為妙

羚羊角散治餘毒不解目障赤腫

羚羊角

黃芩

草决明

車前子

升麻

防風

大黃

芒硝

水煎服

六味地黄丸

補腎虛腰足痛

熟地黄

八兩

山藥

四兩

山茱萸

四兩

茯苓

三兩

牡丹皮

三兩

澤瀉

一兩

加桂附乃補腎經之陽

右為末蜜丸彈子太鹽湯化下大人丸如梧子

加味地黄丸

即六味地黄丸加麥門冬五味子

益陰地黄丸

治水不足而目不明

生地黄

二兩

茯苓

一兩

澤瀉

五錢

牡丹皮

一兩

山藥

山茱萸

一兩

當歸

一兩

柴胡

五錢

熟地黄

二兩

菊花

五味子

三錢

右為末蜜丸如彈子大空心鹽湯化下

明目散

蟬蛻

地骨皮

黃連

牡丹皮

白朮

蒼朮

菊花

各一兩

龍胆草

五錢

甜瓜子

半升

右為末每服一錢半荆芥煎湯調下臨卧服

瀉青丸 治肝熱驚風搐搦目暴赤腫

羌活

大黃

川芎

當歸

防風

山梔仁

龍胆草

各等分

右為末蜜丸如鷄豆大每用一丸竹葉湯同沙

糖水化下

清胃湯 治痘後牙疳腫痛

升麻 當歸 黃連 牡丹皮

生地黃

右剉水煎服

清胃解毒湯 治痘後口齙生瘡腫痛

當歸 生地黃 黃連 升麻

牡丹皮 連翹 赤芍藥 火盛加石膏

天花粉 水煎服

犀角解毒丸 治丹腫

犀角 赤芍藥 牡丹皮 生地黃

甘草 防風 當歸尾 連翹

夏月加黃連

右為末蜜丸如彈子大燈心湯化下

中白散 治痘後口瘡

人中白 煨一兩 黃蘗末 五錢 枯礬 二錢

黃連末 三錢 冰片 一分 蚕退紙 火煨三錢

右為末敷之

又方治齩口疳 用穀樹滋抹之立愈

葛槿散 治咽喉腫痛急慢喉風

牙皂 五錢 紫葛 一兩 白槿花 一兩 硼砂 二錢

明礬 二錢 龜板灰 三錢

右為末吹之

膽礬散 治喉癰喉風

青魚胆 枯凡收五個 雄鷲胆 二個 黃蘗末 五分

百草霜 五分 刺毛窠 一兩燒存性內有虫者

右為末吹之

馳源散 治咽喉腫痛

猪荷草 旱蓮草 水萍 雪裡青

右取汁再磨山豆根和服

消毒飲 治咽喉腫痛上膈熱盛

牛旁子 連翹 防風 荊芥

甘草 玄蔘 知母 桔梗

山梔仁 水煎服

敗蒲散 止自汗

用故蒲扇燒灰每用三錢温酒調下

粉撲法

黃連牡礪粉貝母各一兩粳米粉二升共為末撲身上

瀉肝散 治痘後肝經蘊熱目赤

當歸 川芎 芍藥 防風

荊芥 蒺藜 甘草 黃連

木賊 菊花 蔓荊子 燈心水煎服

養榮湯 治痘後手足不能伸屈

當歸 生地黃 川芎 芍藥

羌活 乳香 防風 白芷

桂枝 續斷 甘草

右剉水煎服

化痰解毒湯 治夾班痘

當歸 赤芍藥 荊芥 防風

連翹 甘草 牛旁子 白芷

丹皮

右剉水煎服

長肌散 治班爛

地骨皮 黃栢 黃連 甘草

五倍 各等分

右為末乾摻之

六味清涼飲 治血熱便秘

當歸 赤芍藥 生地黃 紅花

紫草 枳殼

右剉水煎服

蜜道法又方用醬瓜切如指大插入谷道中即通

用蜜蠟溶入水中做成束樣扶煉蜜插入谷

道中或加皂角末少許於蜜內亦妙

三黃丸

黃芩 黃連 各酒炒五錢 大黃 酒蒸一兩

右為末薑汁糊丸黍米大每用一錢大小加減

生薑湯送下

承氣湯

大黃 枳實 厚朴 山查

加生薑三片水煎服

救焚散 治痘疔癰腫

地蜈蚣草

棟樹花

晒乾

扁蓄

晒

益母草

大血結草

地青草

即尖刀草

紫草茸

紫花蒂丁

連根晒

右剉水煎服

神功散

治痘黑陷

益母花

紫草茸

粉草

露蜂房

過山龍

白芍藥

胎骨

加滑石青黛十分而加二分同研

水煎調胎骨末温服立見紅潤

奇功散

治同前

紫草茸

胎骨

製如前猪藤花

如前服

驅風散

治大人小兒鶴膝風兼治楊梅結毒

防風

牛膝

薏苡仁

苦參

陰便浸

何首烏

陽便浸晒

天花粉

荆芥穗

僵蚕

各五錢

肥皂栝白

一兩

右共為粗末每用三錢同冷飯團

四兩公猪油

六錢

粘米蒸苴

各一撮

水四碗煎至二碗分作

二次温服

奪命丹

治驚風痰涎

姚江孫甘吾傳

珠砂水飛一錢 風牛黃分一 輕粉錢一 射香少許

右為末七月七日取青蒿虫取汁和丸如菘豆

大男用女乳女用男乳磨化服煎至二海分

牛黃鎮驚丸 治驚風 同合西團 四西公能成

天竺黃錢四 雄黃錢二 胆星錢六 珠砂錢三

射香分六 牛黃分七 冰片分 犀角

赭石 珍珠各一錢 鐵孕粉分一 普茶分一

右為末甘草鈞籐煎膏丸菘豆大金箔為衣薄

苛湯磨化下

金箔鎮心丸 治驚熱除煩

全蝎包一個用薄苛火炙乾 天麻 羌活

赤茯苓 甘草 犀角 牛黃各一錢

射香 珠砂各一錢

右為末蜜丸如芡實大金箔為衣黃白蠟封固

薄苛湯化下

抱龍丸

膽星八錢 天竺黃錢四 射香一錢 雄黃三錢

珠砂三錢

右為末甘草膏為丸如芡實大硃砂為衣薄苛湯化下

牛黃抱龍丸

膽星 八錢 雄黃 半一錢 硃砂 半一錢 僵蚕 一錢

人蔘 半一錢 天竺黃 二錢半 茯神 一錢半

牛黃 三分 射香 五分 天麻 三錢 釣藤 五錢

如前丸服

保生錠子

膽星 天花粉 各五錢

硃砂

雄黃 各二錢半 射香 五分

右為末甘草膏和作錠硃砂為衣薄苛湯下

辰砂丸 治驚風涎盛潮熱

硃砂 二錢 水銀砂 一錢 犀角 一錢 天竺黃 三錢

天麻 二錢 牛黃 一錢 冰片 二分 射香 五分

胆星 三錢 全蝎 一錢 僵蚕 二錢 麻黃 一錢

右為末薑汁糊丸芡實大硃砂為丸薄苛湯下

通膈丸 利心經積熱二便不通

大黃 五錢 木通 二錢半 黑牽牛頭末 一兩

右為末水丸如麻子大二三十九白湯送下
天麻湯 治急驚痰搐

天麻 橘紅 南星 茯苓

甘草 防風 天花粉 白附子

木通 薄荷 僵蚕 釣藤

加生薑三片水煎服

醒脾散 治吐瀉後生慢脾風

人蔘 白朮 茯苓 甘草

橘紅 全蝎 半夏 木香

附子 南星 陳倉米 水煎服

白玉餅子 治驚積痰涎

滑石 輕粉 半夏 南星各一錢

巴豆 二十四粒煮熟去油

右為末粘米飯丸如粟米大白湯下

肥兒丸

胡黃連 錢五 川黃連 兩一 木香 二錢 厚朴 五錢

肉豆蔻 麥牙 山查 史君子 肉各 錢

檳榔 三錢 白朮 一兩 陳皮 一兩 乾蝦蟇 一個

右為末蜜丸如彈子大清米湯化下
蘆薈丸 治疳

蘆薈

人蔘

白朮

茯苓

山藥

木香

陳皮

青皮

麥牙

神曲

當歸

各三錢

檳榔

二個

射香少許

右為末猪膽打麵糊丸如麻子大或蜜丸如圓
眼大清米湯化下
健脾肥兒丸 小兒夏月服之

人蔘 一兩

白朮 一兩

茯苓 一兩

甘草 五錢

山藥 一兩

芡實 一兩

蓮肉 一兩

扁豆 一兩

山查

麥牙

神曲

黃連

連翹

澤瀉 各一兩

砂仁 五錢

右為末煉蜜丸如圓眼大清米湯化下
又方 治小兒疳積

人蔘

茯苓

蓮肉

山藥

史君子肉 各一兩

雞肝皮 燒存性 五錢

五穀虫 五錢

蝦蟇末 一兩

山查 一兩

瘡疹傳心金
鍋巴 四兩

共為末白糖霜四兩和勻漸服

至宝丹 治小兒五疳八痢并積聚

人蔘 砂仁 丁香 沉香

雷丸 錢各一 木香 三錢 大黃 半錢 牙皂

草果 各五分 白豆仁 二錢 巴霜 一錢

右為末白酒藥曲蛀屑糊丸如粟大每服一分

白湯送下

布袋丸

人蔘 白朮 茯苓 各五錢 甘草

阿魏 各三錢 蘆薈 雷丸 各五錢 山查肉

史君子肉 各一兩 白蕪荑 五錢

右為末沙糖丸如彈子大每用一九以絹袋盛

之用雄猪裡脊肉 四兩 同煮熟與兒食汁次

日仍前法再服

史君子丸 治蛔疳

史君子肉 檳榔 大黃 半生半熟

酸石榴皮 各五錢

右為末沙糖丸如麻子大每用二三十九淡猪

肉汁空心送下

香砂丸 治小兒停食不化

三稜

蓬朮

香附

檳榔

青皮

各一兩

山查

麥牙

神曲

陳皮

各二兩

砂仁

木香

白豆仁

各五錢

右為末蜜丸如彈子大米湯化下

香砂散

治同前

陳皮

香附

檳榔

砂仁

各一兩

神曲

麥牙

山查

各五錢

青皮

甘草

三錢

木香

三錢

右為末沙糖調清米湯調下

遇仙丹

治諸般積聚

黑丑頭末

四兩

大黃

三稜

蓬朮

牙皂

茴陳

枳殼

檳榔

各四兩

木香

一兩

右為末用大皂莢打碎去子煎濃汁煮麵糊丸

如菴荳大每用錢半白湯下

保和丸 治飲食所傷胸腹飽脹

山查肉 一兩 半夏 各六錢

茯苓

陳皮 連翹 蘿菔子 麥芽 各二錢

右為末另用神曲生薑汁糊丸如粟米大大小加減米湯送下砂仁湯亦可

木香檳榔丸 治食積

黑丑頭末 二兩 檳榔 二兩 木香 五錢

大黃 一兩半生半熟

右為末照前法丸每服三錢淡薑湯送下

消導二陳湯 導痰健脾消食

二陳湯加蒼朮白朮砂仁神曲香附麥牙水煎服

大安丸 治傷食飽脹

木香 二錢 黃連 陳皮 白朮 各三錢

枳實 山查 連翹 神曲

麥牙 萊菔子 各一錢半 砂仁 一錢半

右為末神曲糊丸如粟大每用二三十丸空心清米湯送下

六味肥兒丸 治疳積

川黃連 白蕪荑 神曲 麥芽

厚朴 各一兩 木香 五錢

右為末蜜丸如彈子大清米湯化下

實脾飲 治水腫

白朮 茯苓 陳皮 甘草 少用

蒼朮 厚朴 猪苓 澤瀉

木通 肉桂 山查 麥芽

喘加桑皮萊菔子頭面腫甚加防風白芷腿脚

腫甚加漢防已心火盛加黃連山梔

丑補散 治水腫脹滿痢積 江西鄭南谷傳

牛肉 一觔切片 先置於沙鍋內次下三稜蓬

朮 醋煮各二兩 次下吳茱萸 四兩湯泡 次下

芫花 四兩醋煮數沸漉出又水浸一宿晒乾

用水煮牛肉無查為度取出晒乾加木香 一兩

黃連 一兩 共為末每用 三分 空心好酒調下

五七服為率大人用 五分

石干散 治臃脹

木香 一錢 甘遂 五分 石干 二錢 蛤蟆 一隻 火逼

右為末每用三分好酒下

又方

石干 木香 黑丑 各等分

右為末每用一錢薑湯調下

香薷五苓散 治中暑霍亂

香薷 白扁豆 厚朴 甘草

猪苓 澤瀉 白朮 茯苓

官桂 藿香 水煎服

加味二陳湯 治夾暑傷食吐瀉

二陳湯加厚朴香薷黃連山查麥芽神曲木

通澤瀉

消乳丸 治傷乳嘔吐

二陳湯加砂仁麥芽白豆仁如胃寒吐加丁

香薷香生薑

清金飲 治小兒傷風嗽吐

前胡 杏仁 桔梗 桑皮

半夏 甘草 薄荷 陳皮

旋覆花

水煎服

安虫飲 治蛔虫動口吐清涎

黃連

烏梅

炮薑

山查

厚朴

史君子肉

川練子

芍藥

枳實

陳皮

水煎服

附訶丸 治殮泄

附子 五錢 訶子肉一兩 灶心土一兩

右為末陳米糊丸如粟大清米湯下

二神丸 治腎瀉

肉果一兩 去油 補骨脂二兩 鹽酒炒

右為末用紅枣肉二十個 同生薑二兩 水煮熟

用枣肉為丸如粟大白湯送下

六和湯 治暑瀉

二陳湯加藿香厚朴香薷木瓜匾薑黃連

清暑益氣湯 治傷暑煩熱

黃耆

升麻

蒼朮

人蔘

白朮

陳皮

神曲

澤瀉

黃柏

甘草

當歸

青皮

乾葛 五味子

水煎服

香薷飲 治暑熱

香薷 厚朴 扁豆

黃連水煎服

十味香薷飲 消暑和脾

香薷 人蔘 白朮 茯苓

甘草 黃耆 扁豆 木瓜

厚朴 陳皮 水煎服

清脾飲 治瘧

青皮 厚朴 白朮 草果

柴胡 茯苓 半夏 黃芩

甘草 薑棗 水煎服

人蔘養胃湯 治瘧寒多熱少

二陳湯加人蔘蒼朮厚朴藿香草果

四獸飲 治虛瘧

四君子湯加陳皮半夏草果烏梅薑棗

又方 補中益氣湯加青皮石斛

七寶飲 截瘧

常山 厚朴 青皮 陳皮

甘草 檳榔 草果 知母 鹽水炒

加生薑三片大棗一枚烏梅一個水煎五更服

又方

何首烏一兩 青皮五錢 陳皮五錢 知母四錢

水煎五更冷服

驅瘡丹 截瘡去積理脾

穿山甲土炒一兩 川常山三兩酒棗浸

檳榔二兩 草果一兩 青皮一兩 鱉甲二兩

陳皮一兩 白朮一兩 甘草五錢 大黃三兩九晒

右為末煉蜜丸如彈子大以黃蠟封固每用一

丸空心好酒化下

芍藥湯 治痢

芍藥 當歸尾 黃連 子芩

大黃 甘草 檳榔 木香

桂心

胃風湯 治痢久

歸芍四君子湯加香連陳皮

治熱痢方 兼治火瀉

黃連 條苓 防風 芍藥

甘草 水煎服

調中湯 治痢裡急後重

當歸 芍藥 白朮 茯苓 木香 黃連

檳榔 枳殼 水煎服

截溫丹 治疫癘

升麻 一兩半 麻黃 去節淨末 柴胡 一兩

細辛 五錢 當歸 一兩 甘草 二兩 人中白 一錢

赤芍藥 兩 春夏加石膏 五錢 煨冬加桂枝 五錢

右各取淨末水糊丸如菉苳大每用二十九用

雄黃 五分 為末涼水送下取出汗為度

五瘟丹 專治疫癘

黃苓 乙庚年為君 黃連 戊癸年為君

黃栢 丙辛年為君 山梔 丁壬年為君

人中黃 甲巳年為君 香附 紫蘇葉

右為君者倍之餘各等分生晒為末用大黃倍

煎成膏和藥為丸彈子大雄黃硃砂為衣金箔

貼之陰乾每用一丸水浸化如陰症白湯下陽

症并水化下

犀角丸 治風熱痰面赤便秘疎導及穩

人蔘

檳榔 各五錢

犀角 一錢

黃連

枳實

大黃

各一兩酒浸切片以巴豆去皮百粒貼在大黃同飯上蒸三次炒令黃去巴豆

不用

右為末蜜為丸如麻子大每服三丸白滾湯

送下

清肺飲 治肺虛咳嗽

四君子加貝母麥門冬五味子款冬花知母

又方 治痰嗽

二陳湯加桑皮杏仁前胡桔梗黃芩天花粉

瀉白散

桑白皮 地骨皮 甘草 陳皮

桔梗 水煎服

清肺丸 治痰嗽

白朮 一兩 茯苓 一兩 陳皮 一兩 甘草 二錢

桔梗 一兩 南星 一兩 桑皮 一兩 細辛 五錢

薄荷葉 五錢

右為末蜜丸如彈子大燈心湯化下
黑散子 治涎痰咳嗽吐逆

南星 半夏 牙皂 巴豆

白礬 一分

用瓦罐煨存性為末每服五分麥門冬桑皮蜜
湯調下

潤燥丸 治大便燥結

當歸尾 五錢 防風 三錢 大黃 酒蒸一兩 羌活 一兩

桃仁 二兩 皂角子 性一兩半燒存 麻仁 二兩半

右為末蜜丸如梧子大每用二錢白湯下

潤燥湯 治便秘

生地黄 當歸尾 大黃 煨 紅花

升麻 熟地黄 甘草 桃仁

麻仁 水煎服

犀角解毒湯 治丹毒

犀角 生地黄 牡丹皮 赤芍藥

白芷 甘草 連翹 防風

荆芥 木通 水煎服

解毒湯 治風毒時毒

葛根 升麻 赤芍藥 甘草

防風 荆芥 白芷 柴胡

連翹 牛旁子 水煎服

安胎飲

白朮 子苓 當歸 川芎

芍藥 阿膠 陳皮 砂仁

甘草 水煎服

麻黃葛根湯 治小兒傷風寒無汗發疹

麻黃 葛根 升麻 甘草

紫蘇 桔梗 前胡 荆芥

食加山查麥芽腹脹加枳殼陳皮骨痛加羌

活防風瀉加木通汗多減麻黃頭痛加川芎

白芷喘嗽加桑皮杏仁

解毒散 治小兒痧疹喘嗽

甘草 桔梗 牛旁子 連翹

荆芥 前胡 桑皮 杏仁

知母 玄蔘 水煎服

清金化毒湯

貝母

甘草

桔梗

前胡

黃芩

杏仁

知母

玄蔘

水煎服

涼膈散

甘草

桔梗

黃芩

淡竹葉

連翹

山梔子

水煎服

麻黃湯

麻黃

桂枝

杏仁

甘草

如夏月發癩加知母石膏黃芩 水煎服

人蔘清胃湯

即清胃湯合生脉散

黃芩芍藥湯

治小兒疹痢

黃連

子芩

當歸

芍藥

荊芥 酒炒 枳殼

檳榔

連翹

水煎服

葛根陳皮湯

治溫毒班疹心煩嘔逆

葛根

陳皮

杏仁

知母

黃芩 麻黃 甘草 水煎服

二仁膏 治疹發不出

杏仁 桃仁 俱去皮尖炒黃色各等分

右共研如泥用麻油調每用一匙酒漿調服

玄蔘升麻湯 治發班咽痛

升麻 玄蔘 甘草 水煎服

黃連橘皮湯 治溫毒發班目赤口瘡

黃連 陳皮 杏仁 枳實

麻黃 葛根 厚朴 甘草

水煎服

白頭翁湯 治熱痢煩渴

白頭翁 黃連 黃芩 秦皮水煎服

黑奴丸 治陽毒發班煩渴

黃芩 釜底煤 芒硝 麻黃

大黃 灶突墨 梁上塵

右等分為末蜜丸如彈子大新汲水化服

梔子仁湯 治發班咽痛煩躁

山梔子 赤芍藥 青皮 知母

升麻

黃芩

石膏

杏仁

柴胡

甘草

豉

水煎服

調胃承氣湯

發班便秘噤語

大黃

甘草

芒硝

水煎服

荆防敗毒散

治發班

人蔘

羌活

前胡

柴胡

桔梗

茯苓

川芎

甘草

荆芥

防風

水煎服

小青散

治胎毒發班丹

終

痘疹傳心錄卷之十六

醫不執方

夫古之醫以名魁天下者皆由心通活變用藥神
圓所以能濟於世今之醫多惑於方書執一偏之
見所以有悞於人余雖錄古今之驗方為初學之
準繩非為回方以治病也蓋痘有形色順逆人有
虛實勇怯藥有辛溫甘苦豈得執一定之方而膠
於施治者哉且曰藥不執方合宜而用藥是者其
可忽諸

南北異法

或問北方之醫治痘用涼瀉藥者多用蔘耆者間或有之南方之醫治痘用溫補藥者多用涼瀉者間或有之其治異而病皆愈者何也蓋北方風氣剛勁人稟厚痘出多有餘有餘者瀉之故用涼瀉者多也南方風氣柔弱人稟薄痘出多不足不足者補之故用蔘耆者多也且如痘毒壅盛雖南方亦宜解利及日久成虛而北方亦宜溫補然地勢雖有南北之分人稟有厚薄之異皆在察形色辨

虛實為要非地氣所可拘乎

醫宜存仁

醫道即佛道也緣世人沉痾不起與死為鄰故忽起慈悲大施濟渡非為利媒也且人生天地誰無不忍見道傍赤子將墮深淵即素仇讐靡不惻然傷者况命有專寄乎凡我同志當思貧富雖岐死生則一勿沾沾射利而加意顛連重恤無告斯陰功之積於冥冥多矣

行善獲報

先正有云醫所以寄死生而無恒者不可以為是
焉蓋醫道最大醫理難精然業擅者毫不可忽而
其要則尤當立心正大也視人猶已救人為念至
於為財而壞德為利而損仁不惟為醫家之玷而
覆載所不容也可乎哉古云高低無二藥貧富一
般醫若人能以此存心則皇天諒不負也或乃不
究書理妄談異說嫉妬忌刻利己損人乘病危急
譎求腴貺則財貨為重軀命為輕稍有方書秘而
不傳如此人者近則殃及本身遠則惠及於後天

道昭彰踈而不漏亦可惧哉臨江張彥明行醫未
嘗以錢帛為較凡有求藥期於必效一日城中火
災周迴勢盡烟焰中獨存其居後且子孫榮貴綿
延以此見天道有彰善之報應也余刻感其事常
懷戒惧之心日醫於滙沮晝寢間夢一神語曰汝
可速歸醒而驚異遂辭歸家又夢行溪邊被一老
推溺水而甦見房中火光旋遶烟氣冲天隣人喊
聲徹地余祝曰自業以來未嘗以為利而亡人之
命未嘗以懈弛而喪人之生豈無陰祐其柴蒿煖

酸一鉢水洒之即滅衆僉曰此火厄之得解者乃天神祐汝之有醫德也余自後愈加誠心濟物又一年賃居市陌夜夢一老者曰汝今當禍上帝為汝素有醫德旬日內宜忍耐為鮮余醒為奇杜門不出被隣人強飲有座客責不禮敬唾面辱罵者三余感夢中之言自乾而已人人以為懦詎意其人遂患疫病六日而斃他日若與抗敵禍能免乎自後益兢兢加勉邑中同道亦修醫德一日城中火災燒至彼房火酸即返而滅可見為善者降之以祥屢屢驗矣嗟嗟天不僭差盖有以也

戒不明理不識字行醫

夫稱醫者首軒岐軒岐上聖萬世理學文字之祖也嗣是而後苗父擅美於陶唐倉公獨步於戰國淳于仲景為先漢之雄元化郭開號三今之傑老師實如來藥王法開則慈門首座子豫以毒鬼著作文摯少卿無事藥石元素自為家法此皆一代名人醫中聖哲闡微彰著垂訓無窮者也吁猗休

哉其他如緩如和如鉤與夫滄子秋夫彥伯之倫
或蜚英於一國或見絕於一長不可勝紀要亦精
通名理於玄嘿之中妙解章句於象數之外故能
緣經而為論因病以調劑豈直讀古聖賢遺書記
成方而已也若乃義理罕明篇章寡識莫辨越人
之難周諧舛和之歌偶認一二舊方遂誇登壇大
將寧知君臣佐使敢為惑世誣民竊希厚利不顧
罪愆欲借醫道以肥家竟忘人命為至重天理難
昧此心何安故余謂醫者要當深研經典旁搜書

論潛心體認融會終始恍然有悟於古人之微妙
則脉理斯精詳藥性斯明悉乃可以行於世然猶
恐立意稍差不免誤人若不誦讀義理茫然必不
能別脉尚能知病以情臆度謬用古方是為湊病
豈是治病夫氣運不齊人生亦異古方新病決不
相宜譬如田獵不知兔所多蕪人馬空地遮圍或
冀一人偶有所獲如此療病不亦踈乎假令一藥
與病相當他味和同彼此相制氣勢不行安能差
病祇損元氣耳是非良方不驗乃醫者之不明理

學不解文字也故余謂醫學以明心為本

戒不早決安危

醫之治病也視顏色聽聲音問飲食欲惡而診脈
息以參合焉安危可以立判故越人生虢太子之
死也曰此自當生者越人能起之耳若桓侯之疾
不可以湯熨治不可以鍼石治不可以火齊治則
望而却走矣今有膏肓之疾醫緩所不可為者而
世醫恐觸病家之諱覬銖銜之利求萬一之効猶
豫其說含真情而不敢吐一旦有敗必受其怨夫

觸諱於前於心無忤歸怨於後咎將誰逃請畧言
其凡有四弊焉一則明知其吉妄道其凶搖惑病
家以圖厚賄一則熟察其凶強言可治徼倖成功
以希聲譽一則術庸識渺偏拘強復不窺生死門
徑謬分安危兩途已言不驗人受其誤一則犯病
者天性驕淫調護者專事姑息補緝未完損傷更
甚遂以輕而變重始云吉而終凶雖非治者之尤
然亦不免被怨故醫者臨病當潛心精思決斷可
否毋蹈四弊自貽厥羞景越人之高誼追醫緩之

芳踪勿計功而徼利將死生為戲弄則寧有顛倒
安危錯亂順逆一時矇救嗤笑無窮者也

痘疹傳心錄十六卷終

傳心錄跋



嗟又醫巫難言矣古之醫者洞矚腑臟以
診脈為名今之醫者意見揣摩亦以診
脈為名試投之而試聽之夫人何辜困
於二豎復困於藥餌哉而况嬰兒無知
口不能言所苦其生與死一委之醫一

藥謬投即遭夭折醫者曰固不可治也
噫始而任之卒而諉之果二豎子者懼
而逃之膏肓耶濟川先生悵然慨之爲
之立說數易莫萃已爲完書其間根源
表裡變態以及療治之術種_又備具無
論良醫庸醫一覽而悉據成說以投刀

圭百無一謬先生且矚見天下後世奚
帝垣一方哉或曰鴛錦見在金針未度
執此以求先生恐不能也先生曰是書
也予之言可得而傳也必欲盡予_又尚
有上池之水在

烏程酒徒凌濛初謨并書





Vertical columns of faint, illegible text on the right side of the page.

